

峨眉山志

峩峩山志卷之四

高僧

人物不能齊一有諸佛必有衆生無衆生不顯諸佛  
高僧佛之胚胎也矧地靈人傑豈以天半峩峩而乏  
超羣邁世之衲子耶故志高僧

寶掌和尚中印度人周威烈王十二年可卯生生時  
左掌握拳七歲祝髮因名寶掌魏晉間來中國入蜀

禮普賢

在靈巖寺洪椿坪  
亦有寶掌寺

畱大慈常不食日誦般若

等經十餘卷有人詠之曰勞勞玉齒寒似迸巖泉急  
有時中夜坐階前神鬼泣後遊五臺歷衡黎黃梅過

廬入梁武帝延供內庭達磨至就而叩請悟無生忍  
遍遊兩浙止居浦江之寶掌與朗禪師善每書信付  
青猿白犬往來住世一千七十二年唐高宗顯慶二  
年卒偈曰本來無生處亦無示生處吾得去住心他  
生復來此預囑六十年後有人來取吾骨至期雲門  
刺浮長老果來啓迎黃金鈎鎖遂建塔秦望山有一  
像係師自瘞云

西域聖僧名阿羅婆多尊者來禮峩睂觀山水環合  
同於西域化城寺地形依此而建道場山高無瓦埴  
又雨雪寒嚴多遭凍裂故以木皮蓋殿因呼爲木皮

殿

晉釋慧持者遠公之弟與兄共事道安法師及安在襄陽遠公東下持亦俱行初憩荊州上明寺後適廬山皆隨遠共止持欲觀瞻袞袞振錫岷岫乃以晉隆安三年辭遠入蜀遠苦畱不住嘆曰人生愛聚汝獨樂離如何持亦悲曰若滯情愛聚者本不應出家今旣剖欲求道正以西方爲期耳於是兄弟投淚欄默而別到蜀止龍淵精舍四方慕德所至成侶刺史毛璩耆宿惠巖僧恭皆望風推服有升持堂者號登龍門後因譙縱之亂殺璩及巖恭等持避難之郫縣中

寺縱有從子道福凶悖尤甚將兵往郢討戮入寺人馬浴血衆僧驚走持在房前盥洗神色無忤道福直至持邊持彈指漉水澹然自若福愧悔流汗出寺門謂左右曰大人故與衆異後境內清恬還止龍淵講說齋懺老而愈篤以晉義熙八年卒春秋八十有六臨終遺命務最律儀謂弟子曰經言戒如平地衆善由生汝等行住坐臥宜其謹哉

附考宋時嘉州道左大樹因風吹折穴中有一定僧頭髮蓋身爪甲圍腰一布有司以聞迎至都下令西僧總持擊金磬再拜乃出定叩之曰吾遠法師弟也

再叩曰吾將往陳畱入定遂去嗣萬曆末四川按察  
曹公學佺云往在金陵同年金礪爲言近日陳畱古  
廟因取土脩理掘其下有三缸蓋底皆俯其中仰者  
有定僧坐焉爪甲繞身羣衆喧譁不已聊一開眸問  
曰是何時衆答曰萬曆某年也曰吾尚早仍閉目衆  
合力搖之不動衆懼遂覆之如初按高僧傳載持卒  
於龍淵今山頂有老僧樹云是持入定處未知孰是  
詳志餘按明嘉靖年間灌縣青城山樵陽子亦有前  
身坐蛻樹中事孫栢潭先生有傳載四川總志  
漢中峰明果大師據雜集云資州人幼薙髮龍遊山

謁秦竺法護於大興善寺一日聞護開示如來坐者  
一切法空是頓悟厥旨回蜀就寶掌峰卓錫中峰始  
號乾明觀彼中道士每於三月三日效翟武升仙之  
法歲以爲常師聞知是妖孽請讓先升暗伏獵人箭  
綴絲綸果中之一白鱗也尋理其處乃見冠簪白骨  
盈宿羽人悔悟卽觀改爲中峰寺迎師承事焉

周釋寶彖姓趙氏本安漢人後居綿州昌隆之蘇溪  
年七歲至巴西郡太守楊眺問云聞兒大讀書因何  
名爲老子彖曰始生頭白故也眺密異之年廿出家  
卽受具戒後還涪州開化道俗又抄集醫方療諸疾

舊或報以金帛一無所受彖雖道張井絡風播岷峨  
見大乘一經未弘蜀境爲之疏記欲使後學有歸忽  
感風疾不言久之命將絕私心發誓願諸佛護念作  
是念已忽然能語後卒於潼川光興寺卽縣州振響  
寺也時寶定元年

隋智者大師台宗元祖因禮願王住中峰寺後於龜  
子石建呼應菴日遊神水夜宿於斯三年徐步威儀  
不缺內淨其心外淨其行一日入定內外皆空了無  
一物出三昧已見一老人求師授戒後師離此山於  
玉泉建道場入定知神水來自西域一日偶病思飲



此水倏爾之間見老人自稱龍王願取水至師曰吾有鉢盂錫杖寄中峰同與俱來乃可信也龍王遂引神水浮鉢杖於玉泉洞口流出出之不遠復入於地師曰爲道者可以漏盡使鬼神莫測如我一思被龍王覷破去在吾佛有言神有五通羅漢有六通菩薩十通若不漏盡何以超越鬼神一云取水供師乃玉泉龍女故事玉泉神水同源故後人題曰通苑隋茂真尊者日遊呼應夜宿棋盤二處古跡見存唐三藏奘法師履西域至峩眉九老洞偶值聖真化一老僧言窮西域所有境界而說偈曰付汝般若

舟慈悲度一切普賢行願深廣利無邊衆今僊人洞  
右有月僊窟師授經於此

唐昌福達道和尚睢州人初叅晦機回戟眉住華嚴  
寺僧問學人來問則對不問時意旨如何曰謝師兄  
指示曰本來則不問如何是今日事曰師兄此問大  
如曰學人不會時如何曰謾得卽得曰國有寶刀誰  
人得見曰師兄遠來不易曰此刀作何形狀曰師兄  
要也道不要也道曰請師道答曰師兄難逢難遇自  
普賢云何駕石船答曰師是這箇亘古亘今  
西禪和尚問佛是摩耶降未審和尚是誰家子師曰

水上問如何是密室中人師曰非男女相問國內按劍者誰師曰昌福曰忽遇尊貴時如何師曰不貴趙州禮義眉於放光臺不登寶塔頂僧問和尚云何不到至極處州云三界之高禪定可入西方之曠一念而至惟有普賢法界無邊

黃蘗老人禮義眉至觀佛臺霧氣澄霽曰云何不見僧問不見甚麼蘗云不見普賢

南泉老人禮義眉觀白雲光紫曰還有這點霞氣在僧問和尚是那一點泉云東則東北則北僧便禮拜唐靈龕和尚成都人叅陝西青峰禪師回義眉住靈

巖寺僧問如何是諸佛出身處曰處處非千佛春來  
艸自青又問碌碌地時如何曰試進一步看僧曰不  
知前進處師曰步步踏着

唐白水和尚初叅夾山善會禪師回幾眉居白水僧  
問如何是西來大意曰四溟無窟宅一滴潤乾坤又  
問曹溪一路合譚何事曰澗松千載鶴來聚月中香  
桂鳳凰歸

唐洞溪和尚初叅樂普曰月樹無根枝覆蔭普曰森  
羅秀處事不相依淥水千波孤峰各異師有省三日  
普問曰螺師爲甚麼被蛇吞去也師曰幾度扣關拈

不出持錫便行普曰善哉又憶普賢回峩眉

唐澄照大師初叅投子回蜀住白水寺每日六時朝  
禮普賢大士僧問諸佛有難向火燄裏藏身衲僧有  
難向甚麼處師曰水晶石上起波文大地衲僧都在  
裏許又問云何是初生月曰太半人不見

西禪和尚本州人叅曹山曰佛是摩耶降未審和  
尚邨家子山曰石頭漂在水裏曰三十六路阿那一  
路最妙山曰不出第一手曰忽被出頭時如何山曰  
脊著地也不難

慧覺禪師謁台州勝光和尚值光在繩牀上坐師直

到身邊叉手立光問甚麼處來師云猶待客話在便  
下去光乃拈拂子下僧堂前見師提起拂子問云開  
黎喚這箇做甚麼師云敢教喘氣光低頭便歸方丈  
師初叅羅山纔禮拜起山云甚處來師云遠離西蜀  
近發開元却近前云卽今事作麼生山揖云喫茶去  
師擬議間山云秋氣稍暖出去師到法堂上自嘆云  
我在西川峩眉山脚下拾得一枝蓬蒿箭擬撥亂天  
下今日到福建道陳老師寨裏弓折箭盡去也休休  
山明日升堂師又出問豁開戶牖當軒者誰山便喝  
師無對山云羽毛未備且去後還蟠龍寺住

正性和尚住華嚴寺前朝古殿一所重脩之以旋篆  
結頂至今呼爲雲篆殿

羅漢和尚初叅香林澄遠禪師回峩眉延福院右邊  
住一小洞常現禪定僧問如何是西來大意師曰井  
中紅燄日裏浮漚曰如何理會師曰遙指扶桑日那  
邊曰如何是羅漢境界師曰地連香積水門對勝峰  
山曰既是羅漢爲甚麼却被人轉動師曰換却眼睛  
轉却髑髏

布水巖和尚叅曹山曰寶劒未磨時如何曰觸用  
不得磨後何如曰用觸不得又問如何是西來大意

曰一步踏著火光飛於此有省回我眉白巖寺居  
黃龍繼達禪師偈叅晦機回我眉住光相寺僧問如  
何是師作用處曰橫鋪四世界豎蓋一乾坤問道滿  
來時如何曰要羹與羹要飯與飯問黃龍出世金翅  
鳥滿空飛時如何曰我問你金翅疾得飽否僧無對  
黑水和尚本縣人因禮我眉叅黃龍曰雪覆蘆花時  
如何曰猛烈師云不猛烈黃便打師有省自爾契緣  
遊黑水峯下而居有人來禮問和尚尊號曰汝看山  
峯喚作甚麼

大乘和尚青神人初叅雲門回我眉住龍池四面峯



僧問如何是勝峯曰直聳煙嵐際曰向上事何如曰  
入地三尺五曰如何是佛法大意曰興義門前鑿鑿  
鼓曰學人不曾曰朝打三千暮打八百

東汀和尚本縣人初叅幷山依義眉棋盤寺居僧問  
如何是却去底人曰石女紡麻纊問如何是却來底  
人曰扇車關櫟良計斷僧禮拜

慧通禪師江陵人洛浦元安法嗣唐僖宗時遊義眉  
聖山峯奇異有古肇公道場欲往履之溪水泛漲偶  
感一虎至卽騎虎跳過溪流故名虎渡橋厥後道聞  
於朝重興六寺以山象火遂改三雲二水壓抑火星

迄乎全身供黑水祖堂出傳燈錄師有弟尼慧續亦  
從兄闡化有烏鴉報曉二虎巡廊之異白水瑋禪師  
新羅金藏法嗣曹山本寂孫與洞山道延弟兄白水  
仁禪師洞山良价法嗣黑水和尚有二一黃龍晦機  
法嗣巖頭全衲曾孫一瀉山靈祐法嗣與仰山兄弟  
唐昭宗時人禪燈世譜偶逸其名黑水承璟禪師德  
山緣密法嗣雲門文偃孫黑水義欽禪師承璟法嗣  
梁白水如新禪師玳沙師備法嗣雪峰義曾孫宋初  
住白水寺

慧真廣悟禪師益州人也受業於我眉洞溪山黑水

寺叅方慕道遇雲門法席密承指喻乃開山創院漸  
成叢林開堂日雲門和尚躬臨證盟僧問如何是佛  
法大意師曰日出方知天下朗無油那點佛前燈問  
如何是雙峯境師曰夜聽水流庵後竹晝看雲起面  
前山問如何是法王劒師曰鉛刀徒逞不若龍泉曰  
用者如何師曰藏鋒猶不許露刀更何堪問賓頭盧  
應供四天下還得徧也無師曰如月入水如何是用  
而不雜師曰明月堂前垂玉露水晶殿裏撒珍珠有  
行者問某甲遇賊來時若殺卽違佛教不殺又違王  
勅未審師意如何師曰官不容鍼私通車馬至太平

興國二年三月戒門人曰吾不久去世汝可就本山頂頂脩墳塔至五月二十三日功畢師曰後日子時行矣及期會雲門爽和尚溫門舜峰長老七人夜話侍者報三更師索香焚之合掌而逝

宋初行明禪師長州魯氏子從師歷五臺峩睂禮金色銀色二世界菩薩皆隨心應現後棲祝融峯七寶臺誓投軀學薩埵太子越多劫而成聖果委身虎豹爭競食之須臾肉盡同學泰布衲收其殘骸焚之得舍利焉

宋繼業三藏耀州王氏子雞髮於東京天壽院乾德

二年奉詔入天竺求舍利及貝多葉至開寶九年始歸聽擇名山脩習登峩嶺至雙飛橋見兩石鬬溪上攬得其一睂目宛然以爲寶瑞因名寶現溪見牛心衆峯環翊作庵以居已而爲寺年八十四示寂有遺錫在牛心寺

宋高僧茂真居白水寺太平興國五年二月奉詔入朝太宗賜詩美之館于景德寺舒王元珍以夢兆諭真真曰當有儲嗣果育仁宗旣歸重興五山六寺後遣張仁贊齎黃金三千兩于成都鑄普賢大士像高二丈六尺至今供養按此茂真非隋茂真尊者當另

是一人

白水宗月禪師谷隱靜顯法嗣黃龍慧南之孫與晦堂祖心兄弟

宋密印安民禪師嘉定州朱氏子初講楞嚴于成都爲義學所歸時圓悟居昭覺師與勝禪師爲友因造焉聞悟小叅舉國師三喚侍者因緣趙州拈云如人暗中書字字雖不成文彩已彰如何是文彩已彰處師心疑之告香入室悟問座主講何經師曰楞嚴悟曰楞嚴有七處徵心八還辯見畢竟心在甚處師多逞藝解悟皆不肯師復請益悟令一切處作文彩已

彰會偶僧請益十玄談方舉問君心印作何顏悟厲  
聲曰文彩已彰師聞而有省遂求印證悟云以本色  
鍵鎚師則罔措一日白悟曰和尚休舉話待某說看  
悟諾師曰尋常拈鎚豎拂豈不是經中道一切世界  
諸所有相皆卽菩薩妙明真心悟笑曰汝原來在此  
中作活計師又曰下喝敲牀時豈不是返聞聞自性  
性成無上道悟曰汝豈不見經中道妙性圓明離諸  
名相師於言下釋然後悟爲衆衆舉古旃未挂因緣  
師聞未領求決悟曰汝問我師舉前話悟曰庭前栢  
樹子師卽洞明謂悟曰古人道如一滴投於巨壑殊

不知大海投於一滴悟嘆曰奈這漢何未幾令分座

悟有偈贈師載詩集

尋開法保寧遷華藏旋里領教省中峯上

堂衆賣華今獨賣松青青顏色不如紅算來終不與  
時合歸去來兮翠藹中可笑古人怎麼道大似逃峰  
赴壑避溺投火爭如隨分到尺八五分鑊頭邊討一  
箇半箇雖然如是保寧半箇也不要何故富嫌千口  
少貧憾一身多冬至上堂舉玉泉皓和尚云雪雪片  
片不別下到臘月再從來年正月至十月依前不歇  
凍殺餓殺免教胡說亂說師曰不是罵人亦非贊嘆  
高出臨濟德山不似雲居羅漢且道玉泉意作麼生



良久云但得雪消去自朕春到來師後示寂於本山  
閣維舍利頗賸細民穴地尺計皆得之光明瑩潔心  
舌不壞

朱慧遠禪師生於睢山金流鎮彭氏年十三投藥師  
院僧宗辨出家祝髮受具卽往成都習經論還峩睢  
靈巖寺時徽禪師在焉徽黃龍南四世孫知見甚高  
師初入門值徽飯罷於庭廡間閒行師纔見卽放包  
問曰文殊爲七佛之師未審甚麼人爲文殊之師徽  
云金沙灘畔馬郎婦時有起鍊拂者爲首座師亦往  
迎起嘗誘掖之兩歲未有所得一日靜坐欠有僧

獨行自語云假四大以蓋覆緣六塵而生心忽遇六塵頓息喚甚麼作心師聞之忽有省遽起告座座可之上方丈告徽徽亦可之明日卽告行同志挽留師不聽曰吾師以爲可而我終未釋狀也時圓悟自雲居歸蜀住昭覺師造焉每問話請益辭旨峭硬悟深契之一日悟曾說舉龐居士問馬祖不與萬法爲侶者是甚麼人祖云待汝一口吸盡西江水卽向汝道師聞舉豁然大悟仆於衆中衆以爲中風共掖起之師乃曰吾夢覺矣至夜悟小叅師出問曰淨裸裸空無一物赤骨立貧無一錢戶破家殘乞師賑濟答云

七珍八寶一時拏師曰賊不入謹家之門答云機不離位墮在毒海師隨聲便喝悟以拄杖擊禪牀云喫得棒也未師又喝悟連喝兩喝師禮拜悟大喜以偈贈師有舊鑊舌轉關捩之語衆目之爲鑊舌遠自此機鋒峻發無所牴牾師自發明心要卽得遊戲大自在三昧常因開爐昇座曰天無門地無壁葫蘆棚上種冬瓜兩手扶犁水過膝跳金圈吞栗棘毬拍板對無孔笛屈屈獨腳山魃解雙趂去年冬裏無炭燒今年定是無火炙饑時饑到眼睛黃窮時窮到赤骨立

而且道高箇甚麼頗奈監寺副寺維那典座直歲

等却與泥水匠商量放出兩頭鴟吻齧殺佛殿脊奉  
詔住高亭山崇先寺未幾再命靈隱開堂孝宗皇帝  
屢詔入內賜號佛海禪師上堂說偈曰淳熙二年閏  
季秋九月旦鬧處莫出頭冷地著眼看明暗不相干  
彼此分一半一種作貴人教誰賣柴炭向侬道不可  
毀不可贊體若虛空沒巖岸相呼相喚歸去來上元  
定是正月半於時都下喧傳師當以正月十五日遷  
化遂達上聽至期無疾陞座祝聖如常儀上亦密遣  
中使伺師起居皆見師往來如常時送歸奏齋罷侍  
者與俗官同上方丈但見門扃閉甚密師素蓄一黑

猿頗馴能知人意因衣以布襪命之曰猿行者至是求師不見因窺於窻隙中但見猿手持一卷書立於床前遂亟從後路至榻前撥開帳子而師已化矣取猿手中書觀之乃辭世頌曰抑折秤錘掀翻露布突出機先鷗飛不度畱十日顏色不變壽七十四

釋道宏義着人姓楊氏受業於雲頂山相貌枯悴善畫山水僧佛勉年似有所遇遂復冠巾改號龍巖隱者族甚宏富只寄迹旅店中一空榻雖被襪之屬亦無所有爲人畫土神其家必富畫猫則無鼠往往言人心事輒符合又凡如廁必出郭五里外鄉人每隨

而類之見其就溷無復便行但立而獨語再四乃出  
此旨異事後竟坐化店中年八十餘

宋純白禪師梓州飛鳥人姓支氏父諫聞法於松山  
道者以死生爲戲白衣梵行縉俗無出其右者自嘗  
云吾根鈍不得入園頓願有子續佛慧命足矣師少  
聞父誨諦聽沉思有如夙管一日躍過溪忽有省不  
覺失笑遂往依峩眉山華嚴寺落髮受具父子相與  
遍歷成都講肆通性相宗經論去之南遊首謁澧州  
太平俊禪師俊目爲眞法子付以十三條說法大衣  
師遜卻之後詣黃蘗山禮眞覺勝禪師親近歲餘未

始一顧師奉事益勤勝一日忽擡眸視之師咄曰這老漢把不定作麼勝大笑乃爲印證心地元豐末宗室南康郡王自黃蘗邀勝詣輦下師待行未幾會太學生上書訟博士者語連勝有旨放歸蜀門人星散獨師負巾鉢以從會成都府帥奏改昭覺爲十方禪院問真覺誰可任持覺以師應師旣領院遵南方規範一變律居上堂示衆有曰不起性海是理事縛不透聲輪是語言縛於是蜀之淨侶靡然向風朝敬郎焉敢奉議郎段圮天臺山隱者宋於唐安文士祖思昇皆搢衣執弟子禮元祐末白水寺僧正闕丞相蔡

京時師成都命師任師不樂遂並昭覺辭之請歸舊  
剎建立綱宗久之示寂頌曰風高月冷水遠天長出  
門無影四面八方怡然而寂

禪惠大師名山人屢舉不第元符間郡守呂由誠以  
僧敕戲之師卽削髮明日往天寧爲僧舊老叩以佛  
法不許乘馬師曰文殊駕獅子普賢跨象王新來一  
箇佛騎馬也不妨或問瓦屋道坊何以木皮蓋師曰  
錦府豈從機上織劒門寧自匣中藏其機敏不一有  
禪惠語錄行世

宋別峰禪師龍遊李氏子世居峩眉從密印禪師得



法後又事圓悟入室溪相許可追參瀉山福嚴疎山  
皆目擊契存至徑山大慧獨掃一室待之師出峽在  
保寧金山雪竇開堂陞座曰世尊初成正覺於鹿野  
苑中轉四諦法輪憍陳如比丘最初悟道後來真淨  
禪師初出洞山拈云今日新豐洞裏祇轉箇拄杖子  
遂拈拄杖著左邊云還有最初悟道者麼若無丈夫  
自有衝天志莫向如來行處行遂喝一喝下座若是  
印上座則不然今日向鳳凰山裏初無工夫轉四諦  
法輪亦無氣力轉拄杖子祇教諸人行須緩步語要  
低聲何故欲得不招無間業莫謗如來正法輪上

三世諸佛以一句演百千萬億句收百千萬億句祇在一句祖師門下半句也無祇任麼合契多少痛棒諸仁者且道諸佛是祖師是若道佛是祖不是祖是佛不是取舍未忘若道佛祖一時是佛祖一時不是顛預不少且截斷葛藤一句作麼生道大蟲戴紙帽好笑又驚人復舉僧問巖頭浩浩塵中如何辨王頭云銅砂鑼裏滿盛油師曰大小巖頭打失鼻孔或有人問保寧浩浩塵中如何辨主祇對他道天寒不及卸帽上堂六月初一燒空赤日十字街頭雪淡一尺掃除不暇迴避不及凍得東邨廖鬍子半夜著靴水

上立又云將心除妄妄難除卽妄明心道轉迂桶底  
趯穿無忌諱等閑一步一芙蓉淳熙七年勅住徑山  
靈隱臨終預定時日如期而逝有塔銘見藝文  
黑水壘振禪師大慧杲法嗣

蜀僧號峩眉道者戒律甚嚴不下山二十年一日有  
布衣青裘昂然一偉人來與語良久期以明年是日  
復相見於此願少見待明年是日方午道者沐浴端  
坐而逝至暮偉人果來問道者何在日已矣偉人歎  
息良久書數語於堂側壁間絕高處云落日斜西風  
冷幽人今夜來不來教人立盡梧桐影字畫飛動如

翎鸞舞鳳非世間筆也或云呂洞賓作出竹坡詩話  
明廣濟禪師龍興寺僧也洪武微時與之厚迄帝卽  
位師避居牛心累詔不出後竟終於此有塔存寺蜀  
獻王贈詩

明寶曇國師吳人乃斷巖禪師後身洪武初敕往幾  
峯重建鍤瓦殿並鑄普賢金像畱蜀十年道化大行  
後召還卒天界寺洪武寄詩二首

明匾圀禪師號無空禹州陳氏子也年踰二十忽辭  
父母求出家父母曰此兒引舌過鼻非常人也任其  
去乃投少林寺禮梵僧喇嘛爲師挂搭三年一日從

師請求法名師曰道本無形何名之有固請師授以  
心經讀至五蘊皆空豁然大悟曰身尚是幻何處求  
名一日手編大固於師前師指曰固固是汝名也答  
曰既爲固固爲甚麼空師曰教外別傳方契此語一  
日辭師至中條後到峩峩峩絕頂結茆以居一日見阿  
彌陀佛手執大彌陀經一部曰藏內有經藏外全無  
付授與汝廣令傳化禪師遂飛錫周流宇內徧蹈九  
州後到京都居吉祥庵前後印造大彌陀經若干藏  
未幾復還少林嘉靖四十二年再之峩眉山欲以終  
老行至夔州江中曰道曠無涯逢人不盡登岸端坐

而遊祥雲結頂身如金色

明無瑕禪師蜀資縣人瑩華惠堂禪師法嗣居聖燈峰虎豹遠避有病者取頂帽數繻九之令服立効萬曆初預定時日說偈坐化有塔銘

明徧融真圓禪師西蜀營山人姓錢氏家世業儒書史過目不忘至壯齡三十有二一日天機頓發百念灰冷遂託衾脅之遊宗親遮畱弗止至是會異僧於九老洞示授曹洞宗旨忻然剪髮僧囑以遍遊法席勿坐守一隅師卽下山直抵京師遇通秀二師講華嚴聽至若人欲識佛境界當淨其心如虛空倏然頓

悟身超虛空不覺屋廬爲礙私喜曰法界珠宗毘盧  
性海無外吾之方寸矣且道離文字孰衍孰聽所謂  
画餅不能充饑斯言信矣翌日曳杖匡山高樓馬祖  
洞同氣相求者裹糧趨風不可勝數嘗戒衆云聖道  
虛玄要在躬履密踐至於水冷天秋之際或有少分  
相應不則畢命寒巖於汝何益衆領會竟進山中乏  
食採薪貿粟九江冒暑經寒凡歷七載未嘗憚勞師  
由是道振江南矣復往京師寓栢林禪院閱藏經年  
一時雷動風合公卿畢集識者疑爲彌勒再世隆慶  
中被誣入獄訊次刑具斷裂飛擲屋上訊者驚沮未

幾太岳張公上章明師無罪獄幸解乃延請住德勝  
門北大千佛寺宮中陳李二國母命皇親李公送觀  
帛萬正師儼坐室中若未聞見李公歎息而去宗伯  
五臺陸公見訪啓師曰如何是文殊智曰不隨心外  
境又問如何是普賢行曰調理一切心又問如何是  
毘盧法界曰事事無礙陸聞誨如坐春風之中壽八  
十三

鎮滄沙彌未薙髮時從栽眉慧宗禪師荷擔甚疲師  
問曰耐煩乎應曰諾行一二里復問如前略不少憊  
乃於雙飛橋爲之祝髮師憐其愚令炷香跪大士前



頂水盂誦祝聰明咒一百遍凡歷年所至白水寺猶  
如此一日寺災滄遂入水觀三昧祝曰殿宇旣空願  
保庫司無恙遂歸庫房默坐頂水火至自滅

別傳和尚名會宗楚人光澤惠禪師法嗣壞空成之  
孫無際曾孫明神宗賜號洪濟禪師生平戒行精嚴  
願力勇猛始開峰頂銅瓦殿及海會堂兩處叢林凡  
齋僧造佛鑄鐘募化戒壇僧衆衣鉢俱以十萬八千  
爲期嘗於上德林手栽楠樹二里約六萬九千七百  
七十七株每種一樹輒禮法華經一字至今蔚鬱成  
林號爲神喬兵火時曾有人欲竊取爲兵械者林中

忽有大蛇逐之又有拾枯枝供爨者大石壓折一足  
曾於聖積寺接衆又爲募鑄一鐘甚巨師初禮五臺  
道京師叅徧融和尚囑令持一大瓢募緣師詣後宰  
門禪定七日感朝廷施金滿中約斗許送千佛寺齋  
僧奉詔入內庭賜紫仍在後宰供養三年圓寂後遣  
大璫送靈骨還我三處眷屬分請造塔在白水之鉢  
盂山有塔銘詳藝文師弟子台泉由中貴披剃奏請  
重建萬年寺載碑記

通天大師秦同州人自幼棄家學道嚴持戒律所至  
募緣飯僧滴水同享後得法於鑊山和尚明神宗間

憇息義眉宣文太后爲建護國草菴寺

卽今圓覺菴

居之

壽七十六辭世建塔肉身現存山頂有塔銘

無窮禪師蜀銅梁人通天法嗣從師苦行忘身供養  
後至京都感萬曆慈聖太后賜金建大佛寺又於萬  
年寺側建慈聖菴一所內賜經藏袈裟幡幢及香燈  
田地甚多有塔銘詳藝文

大智和尚諱真融秦人戒律精嚴刻苦供衆凡建立  
五臺伏牛義眉瑩華四常住最後至普陀脩海潮寺  
寺前逼近海涯龍神爲擁千步沙助之今義眉山頂  
淨土菴存有遺願碑切戒子孫不得背衆營私恃強

爭競塔在普陀

歸空和尚諱明陽自伏牛入京能一七不食且飲水  
數升持之至五年衆號之曰水齋自幼出家慈氏寺  
後三十年行腳不襪不席曾跪行至五臺足膝血流  
不知痛爲叅古松然一指以供文殊再禮普陀叅大  
智然一指以供觀音後禮義眉即笑然一指以供  
普賢至北京時譽者日衆孝定太后聞而創寺居  
焉明神宗賜額曰長椿金賜紫衣金頂凡三吉水鄒  
都憲南臯問十指今七那三指何在曰十指依然又  
曰老僧遍叅所得何事曰是慈氏寺明陽崇禎甲戌

九月朔端坐說偈而逝鄒公贈詩二首云實無一事  
金門客時過長椿佛子堂強似淵明心不雜清尊特  
許對爐香尚餘七指杖能拏亂走胡行今到家爲問  
那三何處在依然合十更無差

萬世尊者自稱我眉山人巴陵進士楊公一鵬初授  
成都府推官登我眉世尊踞佛座晚楊而笑曰汝猶  
記下地時行路遠啼哭數日夜吾撫其頂而止耶楊  
追憶兒時語大驚禮拜耳語達旦臨別囑曰三十年  
後見汝於淮上楊後開府汝安一日薄暮有野僧擊  
鼓稱我眉山萬世尊寄書發函得絕句詩七首大索

寄書僧已不知所往矣已而流賊焚鳳陽明祖陵楊  
坐失救論歟西市其詩始傳於世而後二首秘不傳  
楊公子昌朝云公臨刑無他語但連呼好師傳數聲  
世尊名大傳今常在峩眉往來人間無常處人亦時  
時見之寄楊詩云謫向人間僅一週而今限滿恐難  
畱清虛有約無相負好覓當年范蠡舟業風吹破  
進賢冠生歟關頭著腳難六百年來今一遇莫將大  
事等閒看浪遊生歟豈男兒教外真傳別有師富  
貴神仙君兩得尚牽韁鎖戀狂癡難將鱗玉拒無  
常勛業終歸土一方欲問後來神妙處碧天齊擁紫

金光 頌來法旨不容違仙律森嚴敢洩機楚水吳山相共聚與君共跨片霞飛

澄江和尚川西內江人童年入道行平等慈徧參諸方名宿專精戒律深探藏海別行一路向上提持一時遠邇皈仰師在內水開兩處叢林所募書冊梵本兩藏見存說戒富邑感有大山鋪五王神從座領戒之異壽八十塔於義眉伏虎寺逝多林

印宗和尚縣州人齟齬披緇治心一處叅方事畢止錫四峩屣跣趺時祥雲結蓋猛獸柔心無不調伏歲逢亢旱縣令遠延蒲團剛至甘霖充滿一夕中有四

龍王容貌殊特衣冠甚偉禮拜叉手環立四向至誠  
白云我本龍王見居崑後欽師道德故來頂授師爲  
咐囑信受而去次日詰朝摠衣後崑見一石龕四像  
儼然天下衲子雲驟越千二百每於垂訓道俗聆之  
無不流涕春秋七十有零一日敷坐告衆云諸上善  
人吾世緣已盡汝等各各殷勤戒定莫習餘業莫戀  
名利須信春溪一刻值千金臨渴掘泉枉徒勞復厲  
聲云萬緣已盡詎可再三招大衆念佛千聲瞑目而  
逝

貫之和尚諱性一犍爲人自少於觀音寺三濟和尚



座下出家生平竭力殫心利人濟物無有倦怠後偕其徒可聞開建伏虎寺結構精工宏壯歷廿餘載乃成遂冠我山諸刹臨終索紙筆書偈云年經七十六自愧無長處弘誓淡如海道心高似佛生生任我行世世人天路萬物常圍繞那些隨分足擲筆端坐而逝塔於寺右紅珠山有塔銘

紫芝和尚諱性藏渝城人年十五祝髮住白水寺三十餘載開堂說法者九有語錄行世康熙癸丑杖錫行乞卯歲圓寂於楊州上方寺書偈扇頭曰年光已過家今已畢東海石頭枯大我如鑲壁書畢

沐浴趺坐而逝法嗣瓊目負靈骨歸我建塔

繡頭和尚不知何處人亦不言其名惟髮繡成縷却無蟣蝨爬搔人咸以繡頭和尚稱之結茅於洪椿坪山左箐林中止一鋤鑿種芋菜爲食夜則念佛經行數十里直造峩山之頂黎明便還不入寺院或邀飲食不赴如是十數年習以爲常繼而靜坐不再出山目不識丁口能說偈每食先傾飯兩堆於屋前擊竹梆數下羣蛇羣鼠各出就食食竟乃去住山二十餘年人皆異之凡朝山者往往造廬禮拜焉

舒光照禪師斲水人避世入蛾眉絕頂影不出戶者

二十餘載忽欲下山鳴鼓上堂云九旬限滿巧中藏  
拙晝夜殷勤拙中藏巧養馴一箇水牯牛頭角崢嶸  
世上少今朝肆足印莓苔笑殺平田黃大嫂辭世形  
本無形說亦無說盡大地人難摸索七十九年駐娑  
婆彈指光陰如夢覺舉步踢倒蛾眉山者邊那畔總  
一箇喝一喝擲筆而逝

我翁山志卷之四終

義嶺山志卷之五

神仙附隱逸

世傳蓬萊三島爲神仙所居以義嶺之幽雅聳拔奚遜蓬萊故上世每多真人住其間自晉賢示現後遂變而爲佛國無復仙人羽客之踪矣然其實不可以不傳故志神仙而隱逸附焉

按義嶺圖經皇人中皇西皇山卽所謂三義也五符經曰皇人在義嶺山北絕巖之下蒼玉爲屋黃帝往受真一五牙之法三皇經亦云然路史曰泰一氏是爲皇人開圖挺紀執大同之制調大鴻之氣正神明

之位是故九皇傳授以索其自然之所生復自然之  
解與天地之所始者神農嘗授事於泰一小子而  
黃帝老子皆受要於泰一元君蓋范元彤嘗元味要  
會久視操法攬而長存者有兵法雜子陰陽雲氣黃  
冶及泰一之書兵法雲氣書傳聞出而黃冶雜子漢  
后不復見泰一書言黃帝謁羲蒼見天真皇人拜求  
玉堂三一之道皇人曰而旣已君統矣又容三一無  
乃朗抗乎古之聖人盍三辰立晷景封域以判邦國  
山川以分陰陽寒暑以平歲道執以衛衆交質以聚  
民備械以防姦車服以章等皆法乎天而鞠乎有形

者也。天地有啓閉，日星有薄蝕，治亂有運會，陰陽有期數，賢愚之蔽壽夭之質，貴賤之事吉凶之故，一成而不變，類氣浮於上而精氣萃於下，性發乎天命成乎人，使聖人以爲之紀，是以聖人欲治天下必先身之立權，以聚財，葵財以施智，因智以制義，由義以出信，伏信以著衆，用衆以行仁，安仁以輔道，迪道以保教，善教以正俗，從俗以毓質，崇質以恢行，勤行以典禮，制禮以定情，原情以道性，復性以一德，成德以敘命，和命以安生，而天下自爾治，萬物自爾得，神志不勞而真一定矣。子以叢爾之身而百夫之所爲備故。

天和莫至悔吝屢更生殺失寒暑之宜動靜戾剛柔之節而貪欺終無所用無乃已浮乎黃帝乃終身不違而天下治真文經曰管天真皇人於峨眉山中告黃帝曰一人之身一國之象也胷腹之位猶宮室也四肢之列猶郊境也骨節之分猶百官也神猶君也血猶民也能知治身則知治國矣夫愛其民所以安其國愴其氣所以全其身民散則國亡氣竭則身死亡不可復存死不可復生至人消未生之患治未病之疾堅守之於無事之前不追之於既逝之後民難養而易散氣難保而易失審威德者保其理割嗜欲

者保其元得不勤哉得不成哉元氣論云黃帝至我  
者求道於皇人皇人問所得者凡一千二百事乃曰  
子所得者皆末事也子欲長生三一當明夫三一者  
乃上皇黃籙之首篇也能知之者萬禍不能干矣  
列仙傳葛由者羌人也周成王時嘗刺木爲羊賣之  
一日騎羊入蜀蜀中王侯貴人追之上綏山綏山在  
峩山西南隨之者不復還皆得仙道故里諺曰得綏  
山一桃雖不得仙亦足以豪

文昌化書云予第二十二化在周宣王之世姓張名  
忠嗣字仲卽詩所稱張仲孝友也宣文崩嗣虐驟諫



不聽賜之醢予於是望故家而覩甚辭王國以遨遊  
一意西方歷岷峨背井絡至蜀之西陲有山名飛越  
予以先世生於吳會與越爲鄰俯而察之名同俗異  
又望西極一山高廣殆百餘里盛暑之時積雪凝寒  
非塵境也山神白輝曰此白雪山往旰多寶如來脩  
行於此八年得道又西極真人久住於此因而證果  
大夫仙風凜然盍不少畱予聽而止焉無幾帝有旨  
以予爲雪山大仙旋敕蜀門行化  
列仙傳陸通者楚狂接輿也好養生食麋盧木實及  
蕪菁子遊諸名山住蜀峨眉山上海世世見之歷數

年也費士幾歌鳳臺記云以皇甫謐高士傳葛洪  
神仙傳宋劉孝標世說注皆以接輿避楚王聘夫妻  
入蜀隱於穀倉不知所終也

青神志云漢光武時有史通平者自會稽來蜀詣我  
省謁天皇真人得授三一之法及五行之訣廬於縣  
之北平山頂煉大丹龍虎成形餌之白日昇舉

列仙傳丁次卿欲還我眉山語主人丁氏云當相爲  
作漆以罌十枚盛水覆口從次唾之百日乃發皆成  
漆也

寰宇記瞿君字鵲子後漢變爲人入我眉山四十年

得仙乘白龍還家於平岡治白日昇上

神仙傳許碯自稱高陽人周遊五嶽名山洞府到處  
於石巖峭壁人不及所題云許碯自號崑山尋偃月  
子到此

紫陽真人姓周諱義山字季通汝陰人也漢丞相勃  
之七世孫登崑崙山入空洞金府遇甯先生受太丹  
隱書八稟十訣退登岷山遇陰先生受九赤班符又  
退鶴鳴山遇陽安君受金液丹經九鼎神丹圖

左慈字元放號烏角先生隱崑崙山後遊鄴下輒操  
出郊慈齋酒一升脯一斤親手斟酌衆官皆醉飽操

怪行視諸壚悉亡其酒榼怒欲因座上殺之慈卻入  
壁中或見於市慈眇一目操令人捕之便見市中眇  
一目者無數後入遁羣牟旋殺旋活終不能害  
神仙傳宿山圖隴西人採藥於峩之隴寧山服之仙  
去

陳芳慶漢季好道隱東武山後入峩看不知所終卽  
子昂始祖得墨子五行秘書通白虎七變法

唐天后朝大旱有敕選洛陽德行僧徒數千百人於  
天官寺講大王經以祈雨澤有二人衆中鬚眉皓  
白僧曇林遣人謂曰罷後可過某院旣至問其從來

曰予伊洛二龍也林曰講經求雨二聖知乎答曰焉  
得不知然兩者須天符乃能致之居常何敢自施林  
固求之二老曰有脩道人以章疏達天某始可効力  
林乃入啟則天發使嵩陽宣孫思邈入內殿飛章其  
夕大雨思邈亦不自明退詣講席問曰吾脩心五十  
年不爲天知何也因請林代問二老答曰非利濟生  
人豈得昇天於是思邈歸青城山搜千金方三十卷  
旣成白日昇舉

酉陽雜俎唐明皇幸蜀夢孫思邈乞武都雄黃乃命  
中使齎雄黃十斤送於棧看頂上中使上山未半見

一人幅巾披褐鬚髯皓白二童青衣九髻夾侍立屏風側以手指大盤石曰可致藥於此上有表錄上皇帝中使視石上朱書百餘字遂錄之隨寫隨滅爲畢石上無復字矣須臾白風漫起忽然不見

宋咸都府有僧誦法華經有功雖王均李順兩亂於蜀亦不遇害一日忽見山僕曰先生來晨請僧誦經在藥市奉迎至則已在引入溪嶺數里煙翠見一跨溪山閣乃其居也僕出曰先生請僧誦經老病起遲若至寶塔品乞見報師報之先生果出野服藁杖兩脅垂肩默揖焚香側聽而入齋則藤盤竹箸秣飯杞

菊不調鹽酪美若甘露飯訖下驪一錢僕曰先生寄語遠來不及攀送僕卽送行僧於中途問曰先生何姓曰姓孫何名僕卽於僧堂書思邈二字僧嗟駭僕忽不見凡尋三日竟迷路踪歸視囊金乃金錢一百由茲一饒身輕無疾至宋元禧中一百五十歲長遊都市後隱不見一說係王蜀時大慈寺僧事並錄俟考

王蜀時有僧居成都大慈寺恆誦法華經常入青城大面山採藥泂溪越險忽然雲霧四起不知所適有頃見一翁揖之敘寒暄翁曰莊舍不遠略迂神足得

否僧曰甚願少頃雲散見一宅宇陰森旣近翁曰且  
先報莊主人僧入門覩事皆非凡調問曰還齋否曰  
未遂焚香請念所業此僧朗聲誦經翁令誦徹部所  
饋齋饌皆大慈寺前食物齋畢青衣負竹器以香艸  
薦之乃施錢五貫爲師市胡耕之費翁合掌送出問  
人或云孫思邈先生此僧到寺已經月餘矣其錢將  
入寺則黃金貨泉也王主聞之收金錢別給錢五百  
貫其僧散施之後嘉州羅目縣復有人遇孫山人賃  
驢不償直訴縣乞追歸縣令驚怪出錢代償其人居  
山下及出縣路見思邈先生取錢二百以授之曰吾



原何汝於此何遽怪乎附孫真人枕中方曰長生飛  
仙則唯金丹守形卻老則獨真一訣仙重焉凡諸思  
存乃有千數以自衛率多煩雜勞人若知守一之道  
則一切不須也我翁傳云元肇自然萬化太悠黃中  
漸理純精孰收坤厚載象沆瀣成謳吹噓一無躡括  
四游匠成艸昧回旋沉浮滉漾淵微雰霏雲流晨括  
上升幽杳下留玉石不削湛露不柔金母斂容君子  
好速鼓治億頽吐納大週木公初凝睢鳩在洲範鑄  
兩儀胞胎致休光如日燦迅乎電騶倏煉景逝是日  
下遊只此丹丘何聞茶壘策靈州太空逸麟羈絡

密密團團密密羅經不留洞天皓朗爐鞴經秋按此  
卽真人所書也

又真人四言詩

取金之精合石之液剗爲夫嬈結爲菟兔一體渾沌  
兩精感激河車覆載鼎既無忒洪爐烈火烘燄翁赫  
煙來及點燄不暇碧如膏扶桑似藏霹靂姤女氣索  
嬰兒聲寂透出兩儀麗於四極壁立幾多馬蹄一驛  
宛其外矣適然從革惡黜善遷情回性易紫色內達  
赤芒外射熠若火生台疑血滴號曰中還退藏於密  
霧散五內川流百脈骨變金植顏駐玉澤陽德乃敷

陰功始積南宮度名北斗落籍

又曰春宜省酸增甘以養脾夏宜省苦增辛以養肺  
秋宜省辛增酸以養肝冬宜省鹹增苦以養心四季  
宜省甘增鹹以養腎

仙傳拾遺云大曆中西川節度使崔寧嘗有密切之  
事差人走馬入奏發已三日忽於案上文籍見所奏  
表淨本猶在國中封乃表州耳憂惶莫知其計素  
知導江彭殖有道術姓張云名而語之殖乃炷香一爐  
以所寫淨表置香爐上忽然飛去食頃得所封表州  
令殖前及使回問之並不覺進表之時時墮印署

如教崔淡異之禮敬殊常問其受道之由云殖師姜  
玪辨至德中於九隴觀捨力焚香數歲因拾得殘闕  
經四五紙是太上役使六丁法咒術備足乃選溪山  
逃谷無人跡處依法作壇持咒晝夜精勤本經云一  
十四日辨爲九日而應忽有黑風暴雨至衆人驚視  
雨下而壇場不溼又有雷電霹靂奇形異狀鬼神繞  
之須臾又有鎧甲兵士各數千喊噪而下辨不驚怖  
久之神兵行列如有所候一天女著繡衣大冠佩劒  
立問辨曰旣爾呼召當何所求辨以術數爲請六甲  
兵仗一時隱去自此每日有一丁侍之凡所徵求無

不立應以術授殖謂曰術之與道相須而行道非術  
無以自致術非道無以延長若得術而不得道如適  
萬里而足不行也術者雖萬端隱見未除外籙固當  
棲心妙域注念丹華立功以助其外鍊蒐以存其內  
內外齊一然後可以適道可以長存也峩睂山中神  
仙萬餘人自皇人統領置官府分曹術以度於人吾  
與汝觀道之纖芥未造其玆微龍蛇之交與汝入洞  
府朝真師庶可以講長生之旨辨隱去二十餘年乃  
龍蛇之交爲大曆十三年丁巳殖亦隱去不復見  
牟羅漢睂山人名安以庠兵隸倅廳如岷山陟上清

坂苦饑忽遇髯者顧笑曰汝饑何不食栢子耶摘栢子投其口顧髯者不復見矣遂不火食亦往往通老莊偶一日江水暴漲舟不可行或戲指其笠曰乘此渡可乎牟遂置笠水面跌坐其土截江以濟觀者異之

宋陳搏號希夷普州人初隱華山藝祖卽位召對後遠遁峩睂自號峩睂真人今大峩石福壽大字乃出其筆

感遇傳宋文才睂州人少時與鄉里數人遊峩睂山已及絕頂偶遺其所齋巾履步求之去伴稍遠見一

老人引之徐行皆廣陌平原奇花珍木數百步乃到  
一宮闕玉砌瓊堂雲樓霞館非世人所覩老人引登  
萼臺顧望羣峯棋列於地有道士奕棋青童採藥清  
渠瀨石靈鶴翔空文才礪駭問老人此何處答曰名  
山小洞有三十六天此我眷洞天真仙所居第二十  
三天也揖坐之際有人連呼文才名老人曰同侶相  
求未可久任他年復來可耳命侍童引至門外與同  
侶相見迴顧失仙官所在同侶云相失已半月矣每  
日來求今日乃得相見文才具述所遇衆異之

隱逸附

吳寶誼居蜀峩眉山放浪不羈月夜子規啼竹誼曰  
竹裂吾可歸矣其夕竹裂遂遁去武帝三徵不起  
譙秀南充人周之孫隱居高尚卒雄徵之不應逃入  
峩眉山中

唐仲子陵峩山人讀書大峩石通后蒼大小戴禮以  
文義自怡家惟圖書及酒數斛而已

胡份不知何許人嘗隱廬山李騰弓旌之逃入峩山  
隱九老洞

宋杜鵬舉崇慶人喜遊嘗奉親挈家遍訪名山愛峩  
山之勝因家焉



梁鼎字凝正華陽人入峩山著隱書三卷

馮楫遂寧人號不動居士由太學登第初訪道禪林  
廼年專崇淨業作西方禮大彌陀懺儀歸鄉罷作淨  
土會感香爐中白光亘天舍利隱現靖康兵厄名山  
藏經多燬楫積俸資造大藏經四十八藏小藏四大  
藏後以給事中出帥瀘南率道俗作繫念會及刺史  
邛州預知歿日於廳事設高座著僧衣登座謝官吏  
橫拄杖於膝上而化按華嚴寺馮守誦華嚴經感玉  
女饋金卽此也

明巖下老人不知姓名宣德間自廬山往峩峩各巖

下每一二宿輒遷他所有時微吟以指畫空人咸以  
巖下老人呼之

韓懋號飛霞道人博極羣書善歌詩遊京師大學士  
楊公禮重之聞於武廟召見與語大悅時逆瑾有異  
謀懋爲醫藥保御頗有力賜建飛霞宮後乞還峩峩  
今錦江潯有竹窩乃嘉定安彭諸公以居懋者

范文光字仲闇內江人以孝廉官郎中詩文名世棲  
心禪學勉年棄官歸值明末蜀寇亂避於峩峩山中  
約蓮社脩淨土業有叅悟菴花面詞云咄只傀儡子  
何事終日弄巧逞盡英雄恐把不定線頭斷了依舊

落空縱是豎拳拈草啞謎兒仍是朦朧歎菀花當面  
原不識春風若不是老阿難親見登伽女幾不歸宗  
雖蒲團坐破終不見主人翁急須向曉風殘月宿醒  
未醒問箇行踪莫道意中人隔俏冤家山長水遠何  
處不相逢

皇清蔣超字虎臣金壇人始生時其祖母夢峩肴老僧  
托生及長亦自言夢身是僧常於山谿濯足早年成  
進士及第入翰林後督學北直事竣假歸卽溯峽遊  
峩肴食長蔬寓伏虎寺經年有終焉之志偶以疾至  
成都就醫藥一日索紙筆寫詩八句趺坐念佛而逝

詩曰翛然猿鶴自相親老衲無端墮草塵妄向錢湯  
來避熱那從大海去翻身功名傀儡場中物妻子骷  
髏隊裏人只有君親無報答生生常自祝能仁

義眉山志卷之五終